

石經洞八齋戒經並懺悔文碑 存正 書二石

石經洞佛說法藏經殘碑 存正書一石 以上十三種皆沙門靜琬造 在房山

按北齊沙門慧思淨住懃題誓宜鴻願普鑄見籍鏡幽穹巖弟子靜琬密承法付於大業末年遞乎貞觀疲毫琢版疊窟盈堪此一百四十六碑者即靜師初迹也深依洪洞累壁四周左右各三十枚後面四十一枚門首及左右又三十三枚人得摹傳俾宏真福以緣起隋代著目於斯濟濟石經碑言刻自北齊據慧公時代非謂始功也靜琬事蹟詳釋道傳

小西天舍利石函記 存 文云大隋大業十二年歲次丙子四月丁未朔八日甲子於此函內安置佛舍利一

粒願住持永劫計三十六字明萬 麻二十年僧達觀啟洞拜石得之

石柱佛象題字 存正書 凡四柱每柱四面各鑄佛象卅龕旁題佛名字與法華經柱類系同時所刻 在雷音

洞石 經堂

楊君讓墓碑 佚

京畿金石攷在陽鄉舊店西

唐

然燈佛塔題字 未見

通州高志學宮牆外古塔有石一方云唐貞觀口年尉遲敬德

修樊彬畿輔碑目作七年

靜琬碑記 未見

京畿金石攷貞觀八年在石洞壁上

尉遲敬德造觀音銅象 佚

燕都游覽志晉陽菴出宣武門二里許內有古銅觀世音像高三尺餘下有款識云大唐貞觀十四年尉遲敬德監造黎秘書民表隸書古佛菴三字極工後移置稽山會館

臨濟縣男任恭碑 佚

京畿金石攷正書貞觀十七年在涿州

淤泥寺經幢

存 八面刻 宮官張功謹敬德監造 貞觀式
十二年三月吉日 在京師內城西北隅秀峯寺

其末曰大唐貞觀二十二年三月吉日建立誤作三十二以三

字改成式字按貞觀止於二十三年此碑疑是後人偽刻然予

見兗州龍興寺修三門記宋太平興國七年刻亦以八字改成

七字古人碑碣之文亦有草率若此者此碑又曰宮官張功謹

敬德監造今山東河北寺院多云創自敬德或謂是尉遲敬德

非也敬德名恭考許敬宗所作神道碑及本傳竝無鎮幽州事

亦不當列於宮官之下也又史言尉遲敬德晚年閑居學延年

術修飾池臺奏清商樂以自奉養不交通賓客凡十六年而不

聞其事佛 金石文
字記

按此幢題記不類唐人所爲顧亭林疑爲後人僞刻是也未題
宮官張功謹敬德監造敬德或卽張功謹之表字或別是一人
姓名其曰宮官則不可解今之京師在唐時爲幽州范陽郡在
武德元年曰燕州遷於幽州城中以首領世襲刺史其地去長
安遼遠授官且用世襲安得有宮官駐於此乎且又不言何官
此不知何年有曾爲宮官而流寓於此者造此幢以植福耳姑
識之再以此較聖教序心經標題上多佛說二字經中無無明
下脫亦無無明四字又礙作尋顛作顛呵作賀

北留寺殘碑

佚

京畿金石攷有貞觀年月及北留寺記等字在京師內城西直
門小街十方禪院

孔子七十二子漢晉名儒像贊

佚

唐書顯慶中韋宏爲檀州刺史修學宮畫孔子七十二子漢晉名儒像自爲贊

龐德相造金剛經頌

存正書經七石頌刻碑跌垂拱元年四月八日在房山

按姓纂龐氏本望南安碑云其先南安郡人是已遠祖不載其名無從攷證曾祖祖父名亦不見史冊龐公諱懷字伯題名諸人有懷潤懷素懷道者此云諱懷名止一字歟抑下一字諱而不書歟後列題名諸人皆龐氏之戚族頌語整飭有法書字遒逸大有虞褚筆意與法華經諸刻出一人之手惜不著姓名也

郭神行署衙涿城府隊正涿城府隸幽州

金石補正

武隆令聞人元相造象石幢

存二段正書聖曆二年二月在永清

右幢在城東南塔兒巷會福寺唐武后時縣令聞生元相造高一丈二三尺四面俱方徑寬尺許上刻武后立像四面皆同正

面大書方二寸凡六行每行十字未行止六字字體類歐陽率更其下小楷排列銜名字半模糊不可辨識左方亦列銜名右方及後面爲明人磨泐別刻記文其銜名多人皆無可攷意當時縣中人也官銜惟佐史里缶最多按唐百官志凡縣有司功司倉司戶司兵司法司土六佐意佐史卽其流也里缶缶字疑正字之變字書無缶文古文正作缶恐是其流訛也又有坊缶想亦坊正之訛存此以備參考

永清文徵

心經 未見

顧炎武金石文字記正書僧有晦立大足元年

石塔題字 未見

通州高志學宮牆外古塔存周年號

王墩石浮圖銘

存甯思道行書夏四月八日建

景雲二年歲次辛亥在房山大雲居寺塔上

文云唐中興七年歲次辛亥此以中宗復位為中興元年故以

景雲二年辛亥為唐中興之七年洪頤煊平津讀碑記五

田義起石浮圖頌存 王利貞撰 行書 大極元年四月八日 在房山雲居寺塔上

右碑題大唐易州石亭府左果毅都尉薊縣田義起石浮圖頌

太極元年四月八日建為文者歷陽丞王利貞也考唐書地理

志易州軍府有古亭無石亭蓋字相涉而誤爾府兵之制唐中

葉已廢地理志所載諸府名已不能詳雍州置府百三十一志

止得其十一餘皆逸之此碑未載義起弟義冲荃孫按碑雍州與國府右果毅

都尉為義起弟義隆義冲陪戎副尉上柱國也雍州興國府右果毅都尉於是又知有

興國府之名故史家不可以不博聞也碑以薊為薊亦異文潛

堂金石文跋尾

碑用孝平惟孝與楊珣碑同亦論語古讀之一證平津讀碑記

雲居寺山頂浮圖頌

存 釋玄奘詞 開元九年四月八日 在雲居寺

劉元望造石浮圖銘

存 釋元英撰銘 正書 開元九年四月八日 在房山

右雲居山石浮圖銘劉元望所造釋元英撰不著書人姓名額

題經主劉騰雲等四人碑尙完整磨泐六十餘字末行剝蝕較

甚文義不可強屬年月兩行接銘詞之次行首季字與大字

平列後題名四行有官職者惟陪戎尉及幽州府史二人填作

瑱同音假借

金石補正

李文安石浮圖銘

存 梁高望行書 開元十年四月八日 在雲居寺塔上

文安結銜稱易州新安府折衝新唐書地理志易州有新安府

末題易州前遂城縣書助教梁高望書新唐書百官志書學助

教一人掌教八品以下及庶人子爲生者

平津讀碑續記

石浮圖銘

存 王大悅撰 正書 開元十五年歲次單闕仲春八日建 在雲居寺塔上

碑稱鄭氏字玄泰今范陽人新唐書地理志無范陽縣元和郡縣志范陽故城秦范陽縣也在易州易縣東南六十二里以在

范水之陽故名

平津讀碑續記

是年丁卯此云歲次單闕惟舉其支亦金石文所少

復初齋集

房山湯記 佚

京畿金石考張嘉貞撰開元十五年四月在房山

游擊將軍薛彥碑 佚

寶刻叢編趙含撰并行書開元十八年正月

張說遺愛頌 佚

孫思邈撰爲薊縣父老追頌功德文見文苑英華

大房山投龍璧記 未見

畿輔新志張謚撰并書開元二十七年在繪貝勒邸第

右大房山碑原無題額張謏詞序云開元廿七年己卯三月府城西南有大房山孔水自廿三年內供奉呂慎盈奉救投龍壁廿四年又投壁至是而三矣按道家有金龍玉簡學士院撰文具一歲齋醮投於名山洞府則龍壁爲二物金石錄所載雲門山投龍詩北海太守於天寶元默歲下元日投金龍環壁於此山是也元宗崇信道家之說祭祀無秩碑云法師平步風張若水高味虛童子延忠等三日三夜登壇投告僕恐陵谷推移封山刊焉不僅糜資祈福爲無謂使封山出於臣下尤可嗤也山在順天府良鄉縣唐志云大房山似當以碑爲正

金石錄補

金仙公主請譯經施田記

存 王守泰撰 正書 開元廿八年庚辰歲朱明八日

今在房山縣記金仙公主奏賜譯經四千餘卷并范陽縣東南五十里上垓村趙襄子淀中麥田莊并果園一所及環山林麓

心書經十二部刊石爲碑又引逃虛子集云石經貯於巖洞者
七地穴者二洞以石門閉之穴以浮圖鎮之又引帝京景物略
云房山縣西南有山曰白帶山生懋題草又曰懋題山藏石經
者千年故曰石經山北齊南嶽慧思大師發願刻石藏座下靜
琬承師囑自隋大業迄唐貞觀大涅槃經成其夜山吼生香樹
三十餘本六月水浮大木千株至山下構雲居寺焉唐金仙公
主修之山上雷音洞高丈餘四壁刻經又仙釋卷內載釋靜琬
訪求名勝至白帶山見峯巒靈秀遂採石造十二部石經因構
雲居寺明皇第八妹金仙公主增修之又寺觀卷內載雲居寺
在房山縣石經山下寺有唐開元十年石浮圖銘二十八年當
十八年山頂石浮圖後記今並存南麓卽西天寺塔下有石經窟
其後則香樹林据此知此碑在房山縣石經山雲居寺也金仙

公主本睿宗第九女而云明皇第八妹者安興昭懷公主早薨

不在數內也碑云奏賜譯經充幽州范陽縣為石經本者今之

房山縣在唐時為良鄉縣屬幽州而碑云幽州范陽縣即今之

涿州隋時為涿縣屬涿郡武德七年改范陽縣為涿州治並據唐書

地理志良鄉范陽二縣接壤想當開元時白帶山在范陽境而范

陽又屬幽州唐志所未晰也金石萃編

新唐書地理志幽州范陽郡大都督府范陽縣屬涿州記云幽

府范陽縣時縣屬幽州變州稱府亦一例平津讀碑記

昭聖寺經幢未見

畿輔碑目沙門不空譯劉詔正書在昌平舊城

陳令望心經存正書天寶元年

雲麾將軍李秀殘碑存二石礎李邕行書天寶元年

載正月在京師內城文丞相祠

右二石礎拓本二礎顛末詳見順天府丞石門吳涵所撰記碑
中所有字成句可讀者如式表先公之墓其詞曰則爲墓表可
知曰遼水渺瀰則在范陽無疑曰懿文壯武廣孝移忠利倍往
昔功省今茲是其功業可略見也曰賢和淑愼靜恭貞曰此必
稱其所配之德曰國家方築壇拜將考元宗初年契丹突厥皆
興戎事而李秀旣范陽人則其所効武功或卽鄉土所近築壇
拜將當指薛訥伐契丹之事惟朝議大夫使持節不知其何所
指耳碑析爲六礎度今拓本每礎圓徑尺二寸以方廣計之則
是碑高僅四尺餘博不及三尺也準以唐時碑製恐所殘損者
多矣礎由良鄉輦致宛平縣署又移入京兆少尹署遂爲王京
兆惟儉攜四礎之大梁然王京兆旣好此碑何以又留二礎於
尹署此誠不可解者豈非神物完缺聚散實有數存今雲麾隴

墓過良鄉者渺不知其處而片碣留遺轉徙離合所遭不一顧

此二礎得與信國祠堂永垂不朽殆雲麾之靈自為呵護京師

去良鄉四十里桑梓憑依亦雲麾之所樂也

朱文藻碧溪文集

趙錄云明皇以天寶三年改年為載此碑元年正月立而稱元

載何哉按蘇頲撰涼國長公主碑云開元十二載前此二十年

亦稱載者文字中偶一用之與此同也又按李邕撰靈巖寺碑

頌在天寶元年亦曰靈昌郡太守而新舊史止云天寶中邕為

汲郡北海二太守可以補兩書之闕

金石後錄

天寶瓦 存 正書 天寶二年 在京師內城瑞王府

李璿墓志 存 正書 天寶 四載 在文安

感怨文 存 正書 天寶 十一載 在房山

碑刻完好無撰書人姓名孫氏即王晉之妻云二品孫者猶梁

府君碑稱四品孫五品孫也竹汀先生跋梁府君碑引唐書選
舉志三品以上蔭曾孫五品以上蔭孫孫降子一等謂朱賓鄭
莊二人法當蔭敘而尙未得官故以四品孫五品孫署銜然則
此二品孫者亦蔭未得官之稱當是晉之署銜然以加於婦人
初見於此未可遽爲金石之例文記造浮圖之由英二妹以下
述花萼柏舟之志下方鑄象兩軀張令忠等各題名於旁六月
庚寅非十五卽十六日是年五月丙午朔也怨作怨段氏云班
馬字類韻會皆引史記封禪書百姓怨其法字作怨今史記無
此字者此字亡矣廣韻云同怨

王晉石經山中臺造浮圖記 存 正書 有象 天
寶十二載 在房山

安祿山題名 存 正書 在房山

感石浮圖記 存 正書 天寶
十一載 在房山

歸德郡太守兼諸軍事李時德政記存正書天寶在房山

按歸德郡天寶元年燕州改名即蕃州也

觀音之閣四大字存李白正書在薊州獨樂寺

心經存在永清信安鎮龍泉寺後殿

首云奉為燕國范陽口王蓋祿山時刻故列於此

閔忠寺无垢淨光寶塔頌存張不矜撰蘇靈芝之行書左行至德二載十一月十五日在本寺

廊西

宋文惟簡虜庭事實曰燕京城東壁有大寺一區名曰憫忠唐

太宗征高麗回念忠臣義士沒於王事者建此寺為之薦福東

西有兩磚塔高可十丈是安祿山史思明所建此碑稱御史大

夫史思明奉為大唐光天大聖文武孝感皇帝敬无垢淨光寶

塔頌者是也春明夢餘錄曰此碑蓋建於思明初歸附之時其

碑完好近日劉同人名作帝京景物略謂碑上半斷裂不可讀

且蘇靈芝書名甚著當時乃謂爲李北海自鐫名尤誤之甚不知北海自鐫名乃伏靈芝也此碑書丹於石故以左爲前 舊

唐書肅宗紀至德二載十二月己丑賊將僞范陽節度史思明以其兵衆八萬與僞河東節度史高秀巖並表送降三載正旦戊寅上皇御宣政殿冊皇帝尊號曰光天文武大聖孝感皇帝二月丁未大赦天下改至德三載爲乾元元年今此碑建於二載十一月而已稱尊號又以大聖字移此文武之上與史書不合 宣和書譜蘇靈芝儒生也嘗爲易州刺史郭明肅書候臺記靈芝行書有二王法而成就頓於當與徐浩鴈行戈脚復類世南體亦善於臨倣者 予後至燕一日與鄞人萬言同至憫忠寺諦觀此碑萬曰前行大唐光天大聖文武孝感皇帝及中